

實貪鄙與安老連姻當初教身皆賴其力故常事之如父雖簿書間微細事必躬就質問一如其指極盡諂媚之態○丁亥右議政尹殷輔啓曰臣本以庸劣又無知識學力雖累經六卿之任一無堪任處前者除臣為贊成請適而不允心常兢惕今又命除為右相臣別無才德何以冒處請適答曰卿為贊成已久況又薦望除之矣勿辭○日暈○戊子三公議啓曰陽德縣監李枝剛以御史見疑推考矣然其言不可取實故行移於本道推問事干至三次受刑發明矣事干非自己之事不可加刑禁府以犯賊之事不能裁斷例請加刑而前既受二次矣後又受一次又請加刑而今者允下枝剛病若垂死故病實不能加刑矣大抵犯賊之事賊物或多情犯甚重則所當究竟推之枝剛則只以有屋轎子注之見提事干至三次受刑發明今枝剛病若垂死若加一次則必死矣朝官拔下殞命至為未安自 上裁斷何如傳曰大臣所啓是也公事入啓則當改判付○夜哭方有氣如火○己丑夜哭方有氣如火○庚寅傳曰李枝剛以已服辭緣照律○日微暈

四月辛卯朔憲府啓義新君澄源性本陰邪出入宰相朝士之家以干謁請囑為事小不如意輒搆詆毀無所不至今又托病欺冒受由橫行